

चरखा को भेद बता दे,
कातन वाली नार ॥

वन जायो वन उपनियो रे,
वन मै तेरो वास,
एक अचंबो मै सुणियो,
बेटी जायो बाप जी,
चरखा को भेद बता दे,
कातन वाली नार ॥

देराणि घर मांडो तणियो,
जेटाणी घर ब्याव,
देवरिया रे ब्याव मेरे,
नणदूली फेरा खाय जी,
चरखा रो भेद बता दे,
कातन वाली नार ॥

चरको मारो रंग रंगीलो,
पूणी लाल गुलाब,
खातण वाली नार सुंदरी,
लुल लुल कांटे तार,
चरखा रो भेद बता दे,
कातन वाली नार ॥

सासू मरजियो सूसरो मरजियो,
परणीयोडो मर जाय,
मत मरजियो खाती रो बेटो,
चरको दियो बनाय जी,
चरखा रो भेद बता दे,
कातन वाली नार ॥

चरको चरको सब केवे जी,
चरको लिखियो नी जाय,
चरको लिखियो दास कबीरो,
आवागमन मीट जाय,
चरखा रो भेद बता दे,
कातन वाली नार ॥

चरखा को भेद बता दे,
कातन वाली नार ॥

Upload By Prabhu Miyala
9358372069

Source: <https://www.bharattemples.com/charkha-ko-bhed-bata-de/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>